

Kalaallit Nunaanni eqqartuussisarnermik inatsisip aamma Kalaallit Nunaanni pinerluttulerinermi inatsisip allangortinneri pillugit inatsit

(Oqarasuaatikkut nalunaarutiginninneq, Kalaallit Nunaanni inissiisarfinni pissaanermik atuineq kiisalu qanilleqqusinninneq, najugaqataasinnaannginneq aamma anisitsisarneq il.il.)

UAGUT MARGRETHE AAPPAAT, Guutip Saammaanneranik Danmarkip Dronningia imaaliorpugut:

Folketingip akueraa aamma Uagut akuersinitsigut inatsit manna aalajangersarpaa:

§ 1

Kalaallit Nunaanni eqqartuussisarnermik inatsimmi, inatsit nr. 305, 30. april 2008-imeersumi, ilaatigut inatsisikkut nr. 740, 25. juni 2014-imeersukkut kingullertigullu inatsisikkut nr. 639, 8. juni 2016-imeersukkut allangortinneqartumi imatut allannguisoqarpoq:

1. § 54-imi nr. 14-ip kingorna normu nutaaq ikkunneqarpoq:

»15) Qanilleqqusinninneq, najugaqataasinnaannginneq aamma anisitsisarneq pillugu suliat aalajngiiffigineqartut misilinneqarneri.«

Nr. 15 matuma kingorna nr. 16-inngorpoq.

2. § 55-imi »aamma imarsiornermut tunngasunik nassuiaanerit« imatut allangortinneqarpoq: »imarsiornermut tunngasunik nassuiaanerit«, aamma »tak. § 54, nr. 12,« kingorna ikkunneqarpoq: »aamma qanilleqqusinninneq, najugaqataasinnaannginneq aamma anisitsisarneq pillugu suliat aalajngiiffigineqartut misilinneqarneri, tak. § 54, nr. 15,«.

3. § 57, *imm. 1*-imi, »§ 54, nr. 15.« imatut allangortinneqarpoq »§ 54, nr. 16.«

4. § 129-ip kingorna ikkunneqarpoq:

»§ 129 a. Sms atorlugu attaveqatigiinnerup atorneqarnera pisinnaavoq

1) kingornatigut oqarasuaatikkut nalunaarutiginninnilluni uppernarsaasoqarpat imaluunniit

2) eqqartuussinermit pineqartumut piffissaq sumiiffissarlu eqqartuussivimmiittussamut eqqaasitsissut pineqarpat.«

5. § 133, *imm. 1*, nr. 2-imi, »allakkerivitsigut nalunaarutiginninnertut imaluunniit« imatut allangortinneqarpoq: »allakkerivitsigut nalunaarutiginninnertut,«.

6. § 133, *imm. 1*, nr. 3-imi, »allakkatigut nalunaarutiginninnertut.« imatut allangortinneqarpoq: »allakkatigut nalunaarutiginninnertut imaluunniit«.

7. § 133, *imm. 1*-imi, nr. 4-tut ikkunneqarpoq:

»4) oqarasuaatikkut nalunaarutiginninnertut.«

8. § 133-imi *imm. 5* aamma 6-itut ikkunneqarput:

»*Imm. 5.* Oqarasuaatikkut nalunaarutiginninneq pivoq, nalunaarut nalunaarutigineqartussa, ilanngussanik imaqsinnaasoq pineqartumut oqarasuaatikkut nalunaarutigineqarneratigut, tamanna sioqqullugu imaluunniit kingorna allagaatinik nassius-siffigineqartumut imaluunniit tunineqartumut kingornalu nalunaarutiginninneq pillugu uppernarsaammik nassius-siffigineqartumut. Oqarasuaatikkut nalunaarutiginninnermi nalunaarut nalunaarutigineqartutut isigineqarpoq inuk nalunaaruteqarfigineqartussaasutut akuersippat, aamma inuup oqarasuaatikkut oqaloqatigiinnertut paasisaqarsimanera naatsorsuutigineqarpat. Nalunaarutiginninneq ulloq taanna nalunaarutip pineqartumut oqarasuaatikkut tunniunneqartutut pisimasutut isigineqarpoq.

Imm. 6. *Imm. 1*, nr. 1-3-imi nalunaarutiginninneriaatsit ingerlatseqatigiiffinnut, peqatigiiffinnut, aningaasaateqarfinnut aamma toqusup pigisaanut il.il. (inatsisitigut pisinnaatitaasunut pisussaataasunullu) nalunaarutiginnittoqartillugu atorneqarsinnaapput.«

9. § 134-imi »Allakkatigut nalunaarutiginninneq« kingorna ikkunneqarpoq: »aamma oqarasuaatikkut nalunaarutiginninneq«.

10. § 139, imm. 1-imi, oqaaseqatigiit aappaattut ikkunneqarpoq:

»Eqqartuussivinni atorfeqartut immikkut piginnaanilerneqarsimanngikkaluarlutik oqarasuaatikkut nalunaarutiginninnermik isumaginnissinnaapput.«

11. § 139, imm. 2-imi, »ivertitsissaaq inunnik pisariaqartumik amerlassusilinnik nalunaarutiginnittartut eqqartuussivitsigut nalunaarutininik nalunaarutiginnittartussanik.« imatut allanngortinneqarpoq: »piginnaaniliissaaq inunnik, pisariaqartitsineq naapertorlugu amerlassuseqartussanik, nalunaarutiginninnermik isumaginnittartussanik, tassani ilanngullugit oqarasuaatikkut nalunaarutiginnittarnerit.«

12. § 139, imm. 3-imi »inummiik nalunaarutiginnittartussatut piukkunnartumik nalunaarutiginninnermik ataasiakkaanik isumaginnittartussamik piginnaassusiliisinnaapput.« imatut allanngortinneqarpoq: »inummiik nalunaarutiginnittartussatut piukkunnartumik nalunaarutiginninnermik ataasiakkaanik isumaginnittartussamik piginnaassusiliisinnaapput, tassani ilanngullugit oqarasuaatikkut nalunaarutiginnittarnerit.«

13. § 420, imm. 1-imi, »pisortatigoortumik unnerluutigisassaasumik« kingorna ikkunneqarpoq: »imaluunniit qanilleqqusinningneq, najugaqataasinnaannginneq aamma anisisarneq pillugu inatsimmi § 2, imm. 1-imi taaneqartutut innarliineq«.

§ 2

Kalaallit Nunaanni pinerluttulerinermi inatsimmi, inatsit nr. 306, 30. april 2008-imeersumi, inatsit nr. 735, 25. juni 2014-imeersumi § 1-ikkut aamma inatsit nr. 103, 3. februar 2016-imeersumi § 4-kkut allanngortinneqartumi imatut allannguisoqarpoq:

1. § 94, imm. 2, atorunnaarpoq.

2. § 173-imi » Inatsiseqarnermut ministereqarfimmi« peerneqarpoq.

3. § 222, imm. 2-imi, »ajattaanikkut imaluunniit anaatamik atuinikkut.« imatut allanngortinneqarpoq: »eqqornaveeqqummik atuinikkut, anaatamik atuinikkut imaluunniit peberspray-imik atuinikkut.«

§ 3

Imm. 1. Inatsit ulloq 1. april 2017-imi atulersinneqarpoq.

Imm. 2. § 2, nr. 1, unioqquitsisimanernut mianersoqqutinik inatsisip atuutilernissaa sioqqullugu nalunaarutigineqartunut atorpeqanngilaq. Unioqquitsinernut taamatut ittunut manna tikillugu malittarisassat atuuttut atorpeqassapput.

Amalienborgimi tunniunneqarpoq, 7. februar 2017

Kunngiussutsitsinnik atsiorpugut naqissusiillutalu

MARGRETHE R.

/ Søren Pape Poulsen